

К ОПУБЛИКОВАНИЮ

КОМИ РЕСПУБЛИКАЛӦН

ОЛАНПАС

**«Гӧля олысьясӧн урчитӧм пӧрадокын шуӧм семьяясысь
велӧдчысьясӧс Коми Республикаса республиканскӧй сьӧмкуд сьӧм
тшӧт весьтӧ велӧдан организациясӧн вердӧм йылысь»**

Коми Республикаса Оланпаслӧн 1 статьяӧ

вежсьӧмьяс пырӧм йылысь

Примитӧма Коми Республикаса

Каналан Сӧветӧн

2022 вося косму тӧлысь 21 лунӧ

1 статья. Пыртны «Гӧля олысьясӧн урчитӧм пӧрадокын шуӧм семьяясысь велӧдчысьясӧс Коми Республикаса республиканскӧй сьӧмкуд сьӧм тшӧт весьтӧ велӧдан организациясӧн вердӧм йылысь» Коми Республикаса Оланпаслӧн 1 статьяӧ (Коми Республикаса канму власьт органьяслӧн индӧд-тшӧктӧмьяс, 2006, 8 №, 4516 ст.; 2007, 2 №, 4697 ст.; 5 №, 4792 ст.; 2009, 49 №, 991 ст.; 2012, 7 №, 171 ст.; 2013, 32 №, 593 ст.; 2014, 9 №, 112 ст.; 2015, 3 №, 22 ст.; 2016, 21 №, 329 ст.; 2020, 17 №, 275 ст.; 2021, 17 №, 314 ст.) татшӧм вежсьӧмьяс:

1) медводдза юкӧн гижны тадзи:

«1 статья. Гӧля олысьясӧн урчитӧм пӧрадокын шуӧм семьяясысь йӧзӧс, кодьяс велӧдчӧны канму общеобразовательной организациясын, уджсикасӧ велӧдан канму организациясын, кодьяс лоӧны Коми Республикалӧн веськӧдлӧм улын, муниципальной общеобразовательной организациясын, а сӧдзжӧ очнӧя велӧдчӧны Коми Республикаса республиканскӧй сьӧмкуд сьӧм тшӧт весьтӧ уджсикасӧ велӧдан организациясын, кӧнӧ велӧдӧны канмусянь аккредитуйтӧм медшӧр велӧдан уджтасьяс серти, да аспом общеобразовательной организациясын,

кӧні велӧдӧны канмусянь аккредитуйтӧм велӧдан уджтасьяс серти, занятияс вылӧ наӧн волан лунӧ, кутшӧмъясӧс урчитӧма велӧдан организацияса велӧдчан планӧн, вердӧны, сы лыдын сетӧны кос продуктӧвӧй набор, ӧти велӧдчысь вылӧ (водзӧ – вердӧм) Коми Республикаса Вельӧдлан котырӧн урчитӧм мындаын.»;

2) мӧд юкӧн киритны;

3) нельӧд юкӧн киритны.

2 статья. Тайӧ Оланпасыс вынсялӧ сійӧс официальнӧя йӧзӧдан лунсянь.

Коми Республикаса Вельӧдлан котырлы лӧсьӧдны ассьыс нормативнӧй инӧда актъяссӧ тайӧ Оланпас серти.

Коми Республикаса Юралысь

В.В. Уйба

Сыктывкар

2022 вося косму тӧлысь 21 лун

20-РЗ №